

Oshkiinzhiigwaapinewin

Nitaa-waabanjigaadeg
gigishkiinzhiigoon eta
ji-gikenjigaadegibanc
oshkiinzhiigowaapineyan.

Gimashkikiiwininiim
oga-aabajitoonan gegoo ji-
migoshkaaji'itoosiwan.

Ganoonzh 'Canadian
Association of Optometrists'
ji-mikamaagooyan gechiwaag
mashkikiwinini.

Giigidon 1 888 263 4676
Gemaa inaabin www.opto.ca

Waabiwin zhigwa minoshkaabiwin
wiindamaagewin Vision Institute of Canada
onji dago:



NATIONAL COLLABORATING CENTRE
FOR ABORIGINAL HEALTH
CENTRE DE COLLABORATION NATIONALE
DE LA SANTÉ AUTOCHTONE

The Canadian
Association of
Optometrists



L'Association
canadienne des
optométristes

VISION
INSTITUTE
visioninstitute.optometry.net



*Bagakaabiwin ji-
mino-ayaang*

Oshkiinzhiigwaapinewin

Wegonen iwe

oshkiinzhiigwaapinewin?


Oshkiinzhiigwaapinewin odaanaang ojaabiing maazhise ji-minosesinog gaa-waabiyen mooshkinebiiseg gishkiinzhiig. Owe gaa-mooshkinebiiseg gaa-izhiseg, gaawiin ziiskawisinoon gishkiinzhiigoon. Mii owe aakoziwin niigaaniimak gaa-onji-waabisisigwaa awiyag.

Wegonen idash wenji- oshkiinzhiigwaapinewin?

Gaawiin gikendaagosinoon. Ini nibiin gaa-wijii'iwemagakin ji-iskingin gishkiinzhiigoon gibishkaawan. Mii dash ezhi-mooshkinebiimak gishkiinzhiigong ji-ani-waabisiwan. Aapiji niinamadoon ini gaa-wijiiwesemagakin ji-waabiyen. Giishin gaye gegoo inaapinadoyan gemaa gegoo inaapineyan gishkiinzhiigong maagizhaa gidaa-oshkiinzhiigwaapine.

Awenen weshkiinzhiigwaapined?

Awiyag awashime niimida daso-bibooneaad, aanind igaye mii gaa-binaadizid odinawemaaganiiwa'. Nitam oshkiinzigwaapinewin nawach gibwaab oshkaadiziyan. Nawach idash gidaa-oshkiinzhiigwaapine giishpin zhiwiapineyan gemaa ishpekweshiyan gemaa gegoo gii-izhiseyan gigishkiinzhiigong. Daabida ji-izhaayamban mashkikiwinini ji-gikenjigaadeg daga ji-oshkiinzhiigwaapineyan.



Aaniin oshkiinzhiigwaapinewin ezhiseg ji-waabisiwan?

Iwe gaa-onzaabyan odaanaang gijaabiing, wiindamaagetoomagad aaniin minik eni-waabisiing.

Ninga-gagiibwaab ina oshkiinzhiigwaapineyaan?

Giishin wiiba oshkaadiziyan waabamigooyan, daa-dazhiikigaade ji-wanitoosiwan giawaabiwin. Giishpin waabanjigaadesinog, gaawiin edaway'a'ii giga-waabisisi abooshke niigaan enaabyan maagizhaa gaye gaawiin giga-waabisisi.

Aaniin ji-izhi-gikendamaan oshkiinzhiigwaapineyaan?

Niizhiwewig ayaamgadoon ini inaapinewinan. Nitam igo, ne'agaach igo gaawiin gidaa-ani-waabisisi. Owe izhiseyan gaawiin gegoo

gimoozhitoosiin gaawiin igaye gidinamanji'osii. Gaawiin gaye giga-gikendanzin ani-waabisiwan. Zhigwa miinawaa ani-inapinewin, giga-zhiishigagowe, giga-dewishkiinzhiigwe, miskoabiwin, biigiziwaabiwin.

Aaniin ji-izhi-gikendaagwak oshkiinzhiigwaapinwin?

Giishin weweni naanaagadawaabamigooyan eta da-gikenjigaade oshkiinzhiigwaapineyan. Gimashkikiwininiim oga-aabajitoonan gegoon ji-wiisagendamaashkoogoyan ji-waabandang aaniin ezhiewebiziyan gigishkiinzhiigoon. Zhigwa miinawaa oga-ganawaabandaan biinji-ishkiinzhiig aaniin ezhiiayaamagak ji-waabiyen.

Aaniin ji-izhigaadeg oshkiinzhiigwaapinewin?

Giishpin maajizhigooyan nitaa-minose ji-izhichigeng ji-waabiyen. Giishin wanitooyan ji-waabisiwan oshkiinzhiigwaapinewin onji, gaawiin daa-miinochigaadesinoon. Mii owe ji-onji-waabanjigaazod awiya daabida.

